



NADOM KHULASON



PUMPES
MFM 407



1. Gusti urang sarerea
kanjeng nabi anu mulya
Muhammad jenengannana
Arab Qurais nyabangsana
2. Ramana Sayid Abdulloh
ibuna Siti Aminah
dibabarkenna di mekah
Wengi senin tahun gajah
3. Robiul awal bulanna
tanggal ka-dua belasna
april bulan masehina
tanggal ka-dua puluhna
4. Ari bilangan tahunna
lima ratus cariosna
tujuh puluh panambihna
sareng sahiji punjulna
5. Siti Aminah misaur
waktos babarna kacatur
ningal cahya mening ngempur
dibumina hurung mancur
6. Babar taya kakotoran
orok tos kenging nyepitan
soca lir kenging nyipatan
serta harum sesengitan
7. Medat nabi akhir jaman
pirang-pirang kaanehan
sesembahan bangsasetan
kabeh pada karuksakan

8. Nabi yuswa lima bulan
Ges tiyasa angkat-angkatan
Yuswana salapan bulan
Ges capetang sasauran
9. Yuswana sapuluh bulan
Tiyasa ameng papanahan
ngelehken budak nu lian
tapi tara kumanggungan
10. Parangina kanjeng nabi
Jat nika pinuh ku puji
Pinter tur gede kawani
Sobar nyaah kasasami
11. Ker opat tahun yuswana
Nabi dibersihan manahna
Nabi dibelah dadana
Malaikat nu melahna
12. Jibril kadua rencangna
Mikail jenengan nana
Ngesiken kana manahna
Ilmu hikmah sapinuhna
13. Tului dada kanjeng nabi
gancang dirapetken dei
Sarta te ngaraos nyeri
Dicap ku khotamin nabi
14. Harita nabi ayana
Di lembur ibu inangna
Halimah jenengannana
Sa'diyah ngaran lemburna

15. Rama nabi kacaturken
pupusna ka carioskeun
Basa nabi dibabarkeun
dua sasih diunggelkeun
16. Keur lima tahun yuswana
Ditinggal pupus ibuna
Tuluy dirawat eyangna
Abdul mutholib, asmana
17. Kersana robul alamin
Kanjeng nabi nu prihatin
Yuswana dalapan tahun yakin
Eyangna mulih ka batin
18. Sababda wafat eyangna
Nabi dirawat uwana
Abi tholib kakasihna
Saderek teges ramana
19. Kanjeng nabi sering pisan
Di candak ka negri syam
Sok nyandak barang dagangan
Di dinya teh pajeng pisan
20. Kacatur di eta negri
loba pendeta yahudi
Sarte pendeta nasroni
Nu tepang jeng kanjeng nabi
21. Sadayana sasauran
ieu jalma moal nyalahan
pinabien akhir jaman
Foret Injil tos ngibaran

22. Sifat nabi panganggesan
aya dianjena pisan
harita loba nuiman
ka nabi ngangken panutan
23. Lami-lami kanjeng nabi
disambut kuhiji istri
dagangna kaunggal negri
kauntunganna dibagi
24. Istri jenengan khodijah
putra Khuaelid katelah
nu pang bengkarna di mekah
ka nabi kalangkung nyaah
25. Siti Khodijah masrahan
ka nabi barang dagangan
Maesaroh nu ngarencangan
ka nabi purah nyarengan
26. Kacarios maesaroh teh
loba pamendak nu aneh
cacirian nabi nusoleh
mutak ngaheranken kabeh
27. Tatangkalan uluk salam
mega bodas sok mayungan
jeng aya cap ka nabian
dina salirana pisan
28. Pamendak siti khodijah
cocok pisan jeng maesaroh
akhirna Siti Khodijah
ka nabi mundut ditikah

29. Harita yuswana nabi
Salawe tahun ka warti
Ngadak-ngadak sugih mukti
Tapi tambah sae ati
30. Karesepna kanjung nabi
Ka gusti Alloh ngabakti
Di guha hiroh maranti
Ibadahna saban wengi
31. Di dinya jol kasumpingan
Jibril hurunkeun Al-Qur'an
Kalayan dawuh pangeran
Nabi didamel utusan
32. Harita yuswana nabi
opat puluh tahun kawarti
Diutus ku Alloh pasti
Ngembarkeun agama suci
33. Anu iman pang helana
Siti Khodmjah garwana
Abu Bakar ka duana
Shohabat nu pang mulyana
34. Murang kalih nu nonoman
Anu Pang helana iman
Saidina Ali pisan
Ka nabi saderek misan
35. Jeung ari jalma belian
Anu pang helana iman
Sidna bilal kalerehan
Anu jadi tukang adzan

36. Ari lolobana pisan
ka nabi teh ngmuéuhan
Nganiyaya ngajahilan
Taya pisan rarasaan
37. Para shohabat kungsi ngalih
Ka negri Habsi nu tebih
Di dinya anjena linggih
Kira kenging tilu sasih
38. Samulih sohabat ti Habsi
Kacarios kanjeng nabi
Kenging pohara oocobi
Kersana nu maha suci
39. Uwana sareng garwana
Pada pupus dua nana
Harita nabi yuswana
Ka lima puluh tahunna
40. Ges pupus siti Khodijah
Nikah ka Siti Saodah
Sareng ka siti A'isah
Umil Mu'minin katelah
41. Ti dinya kersa pangeran
Maparinan kamulyaan
Ka nabi nu akhir jaman
Kakasih nu sifat rohman
42. Nuju tanggal tujuh likur
Bulan rojab nu kacatur
Nurut kaol anu mashur
Kanjeng nabi teh disaur

43. Dipapag ku malaikat
Nyandak burok nu kasebat
Lempang na teh cara kilat
Tutunggangan nabi angkat
44. Ti Mekah ka Baetul makdis
Teu lami nganggo antawis
Ku jalma henteu katawis
Kersana gusti nu waris
45. Ti Baetul Makdis terus na
Naek ka tangga kenoana
Mi'raj anu kasebatna
Ka langit nabi sumping na
46. Tujuh langit sadayana
Jeung langit nu pang luhurna
Disumpungan sadayana
Katut surga narakana
47. Kanjeng nabi ditimbalan
Ku gusti nu sifat Rohman
Anjena kudu netepan
Sholat muji ka pangeran
48. Kabeh jalma anu iman
Sami pada kawajiban
Sholat nu lima giliran
Hente menang dikurangan
49. Sholat eta minang kana
Dina agama tihangna
Jalma nu luput sholatna
Nyata rubuh agamana

50. Kacarios dina jaman
Mi'rajna nabi pahutan
Yuswana teh kaleresan
Lima puluh dua jalan
51. Kahir Mekah kacaturkeun
Bareng nabi nyarioskeun
Mi'raj lain dimulyakeun
Angger pada nyengserikeun
52. Pada hasud ngakalakeun
Ti dinya Allah ngersakeun
Kanjeng nabi di alihkeun
Ka Madinah disirneakeun
53. Para shohabat pirang-pirang
Nubu mela milu iyang
Milu ngalih sewang-sewang
Hente pisan sumoreyang
54. Tambah kamulyaan nabi
Di Madinah asal sepi
Jadi rame kunu ngaji
Muji kanu maha suci
55. Sapuluh tahun lamina
Di Madinah jumenengna
Agama Islam cahyana
Gumehlar ka mana-mana
56. Negri Mekah diperangan
Ahirna kabogong pisan
Nabi tambah kamulyaan
Yakin lain jijienan

57. Ari Yuswa kanjeng nabi
Genep puluh tilu pasti
Makomna di jero negri
Madinah negara suci
58. Puputrana kanjeng nabi
Aya opat; anu istri
Siti Jenab nu ka hiji
Rukoyah nu hiji dei
59. Umi Kulsum ka tiluna
Siti Fatimah bungsuna
Ari putra nu cikalna
Sidna Qosim kekasihna
60. Sidna Abdulloh rai na
Ibrihim nu ka tiluna
Eta nu genep putrana
Siti Khodijah ibuna
61. Sidna Ibrohâm ibuna
Mariyah jenengannana
Istri ti Mesir asalna
Tah kitu turunan nana
62. Putra nu pameget kabeh
pupus keur aralit kenek
Nu istri caroge na teh
Para shohabat nu sholeh
63. Siti Jenab carogena
Abul As jenengan nana
Siti Rokayah carogena
Sidna Utsman mimitina

64. Ges siti Rokayah hilang
Anjena turun karanjang
Umi kulsum putra lenjang
Ditikah gentos nu hilang

65. Caroge Siti Fatimah
Sidna Ali nu katelah
Wa Karomallohu wajjah
Anu kamashur ku gagah

66. Ari putu kanjeng nabi
Dalapan pameget istri
Siti Umamah jeng Ali
Ti Siti Zenab kawarti

67. Ari Sidna Abdullohmah
Putu ti Siti Rokayah
Putu ti Siti Fatimah
Aya lima kabeh na mah

68. Tilu anu pamegetna
Sidna Hasan kakasihna
Sidna Husein ka duana
Sidna muhsin ka tiluna

69. Umi Kulsum nu istri na
Ka Sidna umar nikahna
Siti Zenab kaduana
Turut unggal nu wartosna

70. Urang kudu cinta ati
Ka turunan kanjeng nabi
Poma ulah goreng ati
Sumawonna iri dengki

78. Sakitu nabi mulyana
Taya pisan adigungna
Angkat pengkeureun shohabatna
Kalangkung handap asorna
79. Anggoan kersa lumayan
Najan nu ges di tambalan
Kitu dei katuangan
Banget pisan dikurangan
80. Betah dina kamiskinan
Lain sabab teu kagungan
Ngahaja bae ngirangan
Ngarah karidloan tuhan
81. Pirang-pirang mu'jijatna
Tawis kanabiannana
Qur'an nu nomer hijina
Mu'jijat nu pang mulyana
82. Tangkal nu perang daunna
Disiram tilas abdasna
Ngadadak loba buahna
Sarta hirup saterusna
83. Domba nu banget kurusna
Sarta na lepet susuna
Diusap ku panangan na
Ngadadak juuh susuna
84. Dina hiji waktos dei
Shohabat ka kirangan cai
Teras bae kanjeng nabi
Mundut cai anu kari

85. Cai ngan saketel pisan
Taya dei anu lian
nabi nelempen panangan
dumadak tuluy manceran
86. Cai mancer loba pisan
kaluar tina panangan
sela-sela ramo pisan
cukup ku jalma rebuan
87. Ka catur hiji bedewi
ngadoja ka kanjeng nabi
nitah nyaur tangkal kai
sina ngomong cara jalmi
88. Tuluy tangkal teh disaur
harita ku kanjeng rosul
tangkal datang ngagugusur
akarna teh digugusur
89. Ngadehes ka kanjeng nabi
muluk salam cara jalmi
sangges kitu balik dei
ka tempat asalna tadi
90. Badewi teh ngan kantun heran
ningal eta kaanehan
tuluy bae asup islam
ka nabi ngangken panutan
91. Saliyana loba dei
mu'jijatna kanjeng nabi
mun diwincik hiji-hiji
ker nulisna moal mahi

92. He..Alloh nu sifat rohman
Abdi sadayana iman
Teu aya dei pangeran
Lian ti anjena pisan
93. Nu ngadamel bumi alam
Rawuh saesina pisan
Nu wajib diibadahan
Taya anu nyasamian
94. Sareng abdi iman dei
Ka sidna Muhammad nabi
Yen eta utusan gusti
Miwulang sadaya jalmi
95. Nu sifat kapercayaan
Bijaksana tur budiman
Bener unggal sasauran
Najan saur kahereyan
96. Ngembarken kanjeng nabi teh
Ka jalma sadunya kabeh
Dawuh pangeran nu soheh
Nu wajib diturutna teh
97. Hormat urang ka anjena
Dina mangsa jumenengna
Sareng saba'da wafatna
eta te aya bedana
98. Duh..gusti jungjunan abdi
Sidna Muhammad habibi
pamugi salira nampi
Kanu hina diri abdi

